


Leszcyński Benediktus  
Episcopus Warmiensis et Sambien.

Brunsbουργensis Coll. l. f. Structura honorum  
ac meritorum vetustissimi splendoris illius  
Principis Bened. Leszcyński, Ep. Warmien.







STRUCTURA  
HONORVM AC MERITORVM  
VETVSTISSIMI SPLENDORIS  
ILLVSTRISSIMI PRINCIPIS  
Ac  
REVERENDISSIMI DOMINI  
D. VENCE-  
SLAI COMITIS  
DE LESZNO  
LESZCZYNSKI  
EPISCOPI VARMIENSIS  
& SAMBIENSIS.

*Quam*

MAGNO PRINCIPI

Auspicatò sedem suam ingredienti

*Collegium Brunsbergense SOC. JESV representauit*

---

BRUNSBURGÆ

Typis CASPARI WEINGÄRTNER,

Anno M. DC. XLV.





Non est Episcopo quidquam maius in  
Ecclesia DEI, qui DEO consecra-  
tus est pro totius mundi salute.

*Ignatius Martyr Epist. ad Smirnenses.*



III

D


EP



consti  
ponit  
habea  
bus, e  
beant  
Roma  
funda  
cepit.  
gnific  
omino  
rum sa  
& con  
capiti  
dentis

ab ip  
beret





AD

Illustrissimum ac Reuerendissimum  
Dominum,

D. VENCESLAVM  
COMITEM DE LESZNO

LESZCZINSKI,

EPISCOPVM VARMIENSEM  
Ac SAMBIENSEM.



Nre merito, gentium eruditatum facile Principes Graii, Rēpublicam curantium munus, basis vocabulo descripserunt, Princeps ac Antistes Illustrissime. Grandis etenim illa, liberæ præsertim Rēpublicæ moles, quæ ex dispari vulgi procerumque genio, in vnam recto ordine constitutam maiestatem, ac veluti firma quædam mœnia componitur, talia & de ipsis solijs, & de omnibus subsellijs capita habeat est necesse; quæ omnibus huius grandis structuræ partibus, etiam pro se caput, & consilia habentibus, solidum præbeant, & ciuili robore custoditum fundamentum. Ita dum Roma, vrbs illa, orbis caput, Capitolinæ arcis prima iaceret, fundamenta, capitis omen dextro auctoritatis futuræ augurio accepit. Pari ratione, robur illud Africæ, bellicosissima & magnifica tot sæculis Carthago, geminorum repertorum capitum, omine, bases posuit magnæ maiestatis. Nempe ipsa etiam harum sanè maxima Rerūpublicarum prima ædificia, grandes & consultissimos ciuilis suæ magnitudinis architectos seruatura, capitis omen, tanquam firmamentum & pollicitationem prudentis regiminis, accepere.

Nostra Polonorum Respublica, nusquam illa quidem iam ab ipsis suis exordijs aspectabili caruit magnitudine, cum haberet præ Romanis Romulis, Numis, Hostilijs grandiores magnitudinis



tudinis suæ effectores Lechos, Visimiros, Cracos, Præmyslos, totque alios, quorum ope magnam se inter finitimas gentes effecit: adhuc tamen Capitolio ista moles, & capita nostra luce istâ, quam nunc habent caruerunt: donec tu Magne Præsul in illo gentis tuæ apud Polonos Dardano, Philippo tuo, ex affini nobis Bohemia in vetustissimis quidem Illustrissimæ prosapiæ tuæ ceris caput, magnitudinis Polonæ omen: in Serenissimis verò Domibroucæ tædis Christianum lumen attulisses.

Tunc & cæca ante hæc Polonia, non in capite tantummodo, sed toto suo corpore lumina habere cæpit Christiana, dum tuis Bossutis, Rutgieris, Verneris pro sacris; deinde Philippis, Sobieslais, pro ciuilibus Martiisque luminibus vsa est, vt per eos toto prope suo magnifico corpore, Argus Illustrissimus efficere-  
tur. Et ipsa tum Reipublicæ magnificentia, iam se capitulum quoq; habere cognouit, dum per eos se ad splendorem ciuilem, omnia prope Senatus maiora subsellia possidentes, formari videret, qui caput in gentilitijs armis pro fundamento Christiani regijque apud nos luminis attulissent. Magnæ sunt aliæ & illustres, honorum virtutumque merito, in ista Republica gentes, quarum tu splendorem, quia plerumque sanguine in magnitudinis tuæ trahis apparatus, vt caput in omen Maiestatis Polonæ per maiores attulisti: ita ipse capitum habens totam prope in prosapia tua curiam, grandem & iam septem Sæculis, Senatoriæ gentis tecum circumfers Metropolim. Cum itaque nunc istam Maiestatem in Varmiæ Principatus tuam sedem dignam merito magnitudinis tuæ, & primis gradibus auspiciatam, tibi non Antistiti tantum, sed & Principi sacram, felicissimè importas: multa simul mentes nostras, suæ quidem magnitudinis augur, tuæ verò venerationi impar incessit cogitatio. Vt vidimus in Varmiæ armis sub Infulis caput, cogitabamus mox, Principum istam Antistitumq; Sedem, quæ cum Hosio felicissimè Romam ædificare cæpit, ipsum etiam Capitolium postliminò habituram. Venit quoque nobis cogitatio (vtpote plura ad explicatos tuæ claritatis radios videntibus) quoquò se Sacri prophaniq; transferrent Romanorum Principes, eodem veluti maiestati obsequentem vrbiū molem, Senatus amplitudinem, totum reipub. splendorem sese transtulisse: quo itinere, Romana præsertim Magnificentia, iam Bizantium, iam Auenionem est peregrinata. Quare & nos de cerarum quidem Illustrissimarum tuarum omine spe bona plenissimi, de nostra porrò tenuitate tantæ noui Principis accipiendæ maiestati impares, rem egimus de ingenio: & ne augustus tuus splendor

huc



huc concedens suis careret radijs, de Tua illustrissima magnitudine, Tuam Tibi Principi Virtutum Honorumque excitauimus Metropolim. Impares equidem & ad tantum opus rudes nimium, munus adiecimus: sed quia tua vbique magnitudo, tuis animata meritis ac virtute illâ auitâ est, facile se vel ipsa in magnitudinem promouebit. Nos vero vel nomine operis, Musas nostras in perenne studium illustri tuæ maiestati addiximus, & istum tibi hærêdi modum commenti sumus. Non reijcies, Princeps Illustrissime, deuotorum tibi clientum liberam subiectionem, etsi ineruditæ operæ displicebunt.

## F V N D A M E N T A

### M A G N I F I C Æ

#### S T R V C T V R Æ

*Illustrissimi Principis ac Reuerendissimi Domini*

**D. VENCESLAI DE LESZNO LESZCZYNSKI**  
EPISCOPI VARMIENSIS ET SAMBIENSIS.



Ommunis humanæ magnitudinis cursus, antequam cum maioribus annis in fastigia adolescat, etiam sub mitris creatos, ad ipsam futuræ maiestatis crepidinem, ritu quodam naturæ sueuit deponere, Præsul Illustrissime, vt flos ille primæ ætatis, nepotum magni Sanguinis, in spe fructus honoris numerans, genuino prope vocabulo ascensus nuncupetur. Illi enim primi egregiè formatæ iuuentutis gressus, & per virtutem cultosq; deducti mores gradus, aptam futuræ magnitudinis ideam, circumscribunt: illa honesta eximiæ indolis fundamenta, iam apices & ipsa frontium sydera metiuntur. Ille pulchrè natus & suo par generi animus, quo anhelitu in summo etiam olim æstuabit gradu, illis adhuc intaminatis adolescentiæ enunciat igniculis. Quibuscunque, Magni verbum, maturata addidere promerita, primi adhuc anni non vulgaribus ingenij, morum, virtutis rudimentis spem futuræ molis ostenderunt. Prius sceptris Britânicis fuit quàm vitæ admotus Eduardus; ante paruitatem etiam suam magnus, cui magnum, & cœleste inter cælitates parabatur solium. Solida Augustani Vdalrici futura virtus mortem elegisset, quàm in soliditatis suæ detrimenta vel gustum. victus primæ infantiae admitteret. Magni futurus Vir Consilij Elsearius prius eloquens, quàm loquens. Ita se in magnis viris primis coloribus semper pingit non vfitatæ magnitudinis futura maturitas. Tua, Magne Præsul, moles ista vel in primis statim gradibus trabæ suæ iam Principum inscendens fastigia, & plu-



& plures Principatus Sacri gradus in ascensu numerans, habuit profectò iuuentutem vt ascensum, primis adhuc flosculis altitudinem tuam coronantem.

Dum ex illis maiestate tempora sua superantibus annis, iam magnus Senator ab vniuersis ex bona semente plenam messem pronuntiantibus promittebare, circumferebas iam tunc vultu ad maiestatem composito, indole cùm facili tum & magnificâ, virtute non viuaci tantùm sed & duraturâ, omnem magnæ tuæ gentis Senatum. Vnde, vt est expeditum magno genio quoduis sceptrum polliceri, varius mox ominantium ordo consurrexit. Alij redituros in te illos omni sæculorum memoriâ maiores, tot Philippos, Raphaëles, Sobieslaos, Dobeslaos, Præmyslos, Ioannes, Vratislaos, Andreas, Venceslaos, aliosque innumeros tot sæculis tuæ gentis heroas pollicebantur. Alij ad eum attentiores splendorem, quo per maiores gentis tuæ ad Serenissimorum deducta est radios Polonia, illos Bossutas, Verberos, Rudgieros, Philippos, Fridericos, Raphaelles in te recrefcere ominabantur. Quorum tu quidem spem impleuisti, auspiciatissimo progressu spem superaturus vniuersam, vtpote qui altius ascendis merito, quâ nostra mens ad tuos radios hebescens possit pollicitatione. Ita cum vel ipso naturæ ductu magnitudinem tuam ad pulcherrimam maiorum tuorum Ideam erigere adhuc ordireris, iam in illo ætatis fundamento, non vt Salomon olim, aut auctior etiam Eduardi soboles, vni tantùm parenti, in te palatium, in quo Senatoria meritorum similitudine perennaret; sed vniuersæ gentis tuæ populis & meritis grandem Metropolim suscitasti. Ita primas virtutis lineas ducebas, vt virtutum illarum omnium imago, quæ per auorum tuorum merita sparsa fuerat, includi posse in te videretur. Ita ad magnitudinis tuæ incrementa attentus fueras, vt peritos nactus domi interpretes, auitam virtutem & grandem animum, quod nos ex memoria veteris moris audiuius de iuuentutis patriciæ Principibus, ritu tuo impleres. Quippe cum alij, qui est crudorum annorum perpetuus mos, illud ætatis lætum tempus lusui potius, quàm vitæ consecrarent, tu maturus virtuti plane constiteras: cùm maiestate, grauitate, moderatione, sermonis pondere, morum cultu, actionum elegantia, ita emineres, vt princeps patriciæ virtutis vbique dicerêre. Et quia etiam corporibus nostris mensuram & imaginem prima describit ætas, Tu ingentis meriti tui primis olim fascibus Principum suggestus superaturi imaginem, impletis tenero adhuc quo Principum virtutibus contecisti. Præsciuisi Orientis Prin-



Principum maiestatem, in triplici illa palestra, Purpurâ videlicet, exedra, & Palatio magnitudinem suam erigere solitam fuisse. Atque ipse etiam principum methodo futurum in te principis vocabulum, re solidâ erexisti. habuisti gentile cerarum caput pro omine, ut supra omnes altitudine meriti assurgeres. Lescynia te Purpura, tot iam sæculis primorum subselliorum testimonium habens, facillè si gentium spectas antiquitatem, inter Principes magnarum gentium censendum decore Polono declaravit. Quam tu magnitudinem bene tibi hæere ut attestareris, singulariùs in amplitudinis tuæ testimonium laborasti, dum naturæ concolorem virtutem redderes, et genti principi, Principum fasces arrogares. Æmulantur plerique illustrissimo ortu Illustrissimum mundi, & ita purpuram in ortu accipiunt, ut lumen sequentis temporis insigni dedecore obnubilent: & postquam illustres natales aut dedecori immerferunt, aut dispares naturæ priuatim vixerunt, damnant grande beneficium primæ magnitudinis. Alij de sua virtute florum ritu purpurascunt; sed ut flores, non rarò sibi tantum purpurei, cum patrimonio virtutis non transmittunt hereditatem. Tu Princeps Illustrissime, ita in Senatoria auorum abauorumque purpura creatus es, ut ipsa te natura & ducti cum magna virtute parui anni ad Principum purpuram approbarent. Ut verò firmiore spe te ad purpuras expectaremus, etiam in Exedris adolescentiam ad magnitudinem Polonam formauisti. Perpolitam non mediocriter Polonis Musis & prudentiâ mentem, ubi satis genij Poloni, iuxta quem mundum censeris, quæsiuisses, & quid in magnitudinis tuæ incrementa admittendum esset probè calleres, elegisti cum primas in Orbe Christiano, tum & maximas omnis ciuilitatis exedras Lutetijs, ubi in illo confluentis Orbis terrarum compendio, inter plures ingentium animorum ideas elegantius maiestatem tuam excoleres. Vrbs illa Orbis sui Caput, quæ incolarum multitudine ipsum numerum, artium varietate ac præstantiâ omne pretium, sapientiæ fontibus summæ capacitatis terminos, magnificentiâ, hominum admirationem, ararum numero Cælites, Religione desiderium Cæli exequaret, tuæ capacitati par accessit. Postquam illæ etiam gentes attestatæ sunt, te non de vano in gentilitijs armis potentissimi animantis caput attulisse, sed ut sciret Orbis, te grande fundamentum magnitudinis ad externos attulisse, in quo omnis peregrina bene consisteret magnitudo. Itaque capaci mente, genio felicissimo, sapientiam, prudentiam, peritiam, magnificen-



tiam, ciuilitatem, cultum, fortitudinem, religionem, & quid-  
quid Senatoris Poloni caperet maiestas, peritissimè excerpti-  
sti. Hinc itum ad alias exedras, non quod egeres pluribus genijs,  
de tuo sufficiens, sed vt collatione cum pluribus tuam excellen-  
tiam dignosceres. Postquam verò in illis exedris, in quibus Po-  
lona iuuentus peregrinatione se excolit, satis tuam indolem  
probauisti, attulisti cum bene formatà iuuentute plurima-  
rum nationum sermonem in palatia Serenissimorum Poloniae;  
vt quantum ex gentibus cultis thesaurum capaci mente colle-  
geris, vel in lingua, quæ tibi tanquam grande bonum contigit,  
indicares, Romanam, Germanicam Gallicam, Ibericam,  
aliamquè virtutem omnem Polonæ maiestati in obsequium sub-  
iecisti, vernaculamque eius esse, tuâ peritia monstraui-  
sti: et, vt est augur suæ excellentiæ mens magna, iam tum Mytri-  
datem in curia Polona præsentasti, qui & ad maiora Poloni  
Monarchæ ministeria pluribus egebas sermonibus, & magistra-  
tu Princeps effectus non vnâ linguâ subditos alloqui debueras.  
Frustra apud veteres, vt insigne, suam linguam ostentaret veritas,  
nisi tibi istud magnæ rationis argumentum, & perito sermone in  
libera Repub. valentis Senatoris testimonium inferuaret. Vix  
in primo palatii limine, aptam ad cjuile incrementum virtutem,  
in illum magnitudinis campum attulisti, cognouit ille locus  
Maiorum tuorum virtute inhabitatus, maiestate impletus, au-  
ctus consilio, rebus cum gloriâ gestis conspectior orbi redditus,  
illam LESZCZINIAM virtutem, ad magna apud se gerenda,  
in hærede magnarum dotum reuerti. Executus es subito præ-  
cellentis Aulici excellentiam, & Senatorij subsellij meritum;  
atque, si ad tempora virtutis tuæ fasces tibi prouenissent, pri-  
dem subsellia omnia testimonium magnitudini tuæ dantia su-  
perasses, & vir vltra meritum noscerere: sed, quia magnis ideis  
aulæ quoque magisterium indigebat, fatum quoddam effe-  
ctum est, vt exemplum istud Leszczynium, quod cum  
Christianitate simul curiæ Polonæ natum est, diuturnius exhibe-  
res. Vbi illis inusitatæ tuæ indolis admiratoribus grandes co-  
gitationes effecisti, vt facile tibi omnia subsellia pollicerentur,  
cum ante Curiam adhuc, omnium virtutem ac vim apud te  
habitare monstrauiesses. Illa tua Tulliana, aut Leszczynia po-  
tius facundia, iam primis suis verbis Lauream tibi orbis nostri  
quam postmodum causarum relator & auditor, omnium con-  
fessione retulisti, deferebat. Habuisses ante ætatem curiam,  
qui habebas maiestatem, nisi ætas illa, quæ in ascensu erat, magi-  
sterium ascendendi alijs instauraret, obsequio solido, fide, since-  
ritate-



ritate, moderatione, grauitate, beneuolentia, modestia, dexte-  
ritate, comitate, toto magnarum dorum Senatu. Ita ad magni-  
tudinem Principis iuuentutem tuam dotibus exaggerasti, vt  
matura quoque purpuratorum iudicia multa ex eis, in quibus  
excellueras apud se desiderari, minusq; ab optimis quibusq; posse  
expectari animaduenterent. Diuinam prope nactus es adoleſcen-  
tiam, vt præter vnum vsum frequentis virtutis, nihil maturior <sup>ætas</sup>  
ad soliditatem addidiſſe videatur. Etſi enim grandem virtu-  
tum Academiam, cùm palatia intrares, ſis ingreſſus, vt inter tot  
Ideas, quot Polona mens capere poteſt, ad magnitudinem profi-  
ceres: quia tamen bene iam compositum dotibus omnibus te-  
rens animum, præceptis illis obuiaſti, etiam à grandi magiſte-  
rio non egebas adiuuari.

## Iuuentuti Magnificæ.

*Redire in priſtinam negotiorum viam humana acta  
Platonis fabulam cenſeremus,*

*Niſi*

*Dum Principis auſpicato ſedem ingrederis,  
Iam te ante vocabulum Principem fuiſſe ſciuiſſemus.*

*Ita,*

*In illuſtriſſima omnibus Poloniſ ſeculis gente natus es,  
Vt priuilegium trabeata natura  
Fieret exactio maturi ſubſellij.*

*Ita primum ætatis florem,*

*Ad trabeatas gentiliū tuorum Ideas virtute tinxiſti,  
Vt illa ætas, trabea naturam ſeruans,  
In Principum fructus excreſceret.*

*Oſtendiſti Magne Praſul paruiſ annis,*

*In magnonato animo nihil ad paruitatem decreſcere,  
Vbi conſciam generis repererit indoles virtutem.*

*Et in illa ætate omnem virtutis gradum habens,*

*Iam grandis Princeps fueras,*

*Cùm maturitatem tuam non annorum numero definires;*

*Qui ſemper æternitatem, non ætatem vinebas.*

*Dederat aliquando Roma grandem mole, non diuturnum Iuuenem:*

*Tu quia ſoli curam virtuti permiſiſti,*

*Statim maximus & ſine honorum annorumq; baſi*

*In illo ætatis fundamento eras.*

*Magni artifex myſterij,*

*Clauiſiſti magnitudinem in paruitate,*

*Dum parua adhuc tuæ ætati nihil deeſſet eorum,*


C

Qua



*Qua faciunt Magnos.  
 Experimenti Ciuilis campum  
 Ad mensuram animi tui  
 In maxima Europa vrbe Lutetijs deputasti,  
 Et redisti par illis,  
 Qui se maximos apud exteros effecerunt.  
 Aetatem illam,  
 Quam opinionibus vitæque ritu à fine secernimus,  
 In ipso statim magni Herois sine constituisti,  
 Eò deducta primâ virtute, quò aliorum ultima non ascendit.  
 Sic  
 Citò saculum habent,  
 Qui virtute viuunt.*

# PROGRESSVS MAGNIFICÆ STRUCTURÆ


**T**iam Pictorum vitium est, alieno decore sinceram adulterare pulchritudinem, & in similitudinis dedecus, auri decus adhibere. Quæuis egregia pulchritudo suis absoluitur coloribus; & magnitudo intra suos terminos crescit elegantius. Redux ab alieni cœli lilietis, quæ tu quidem peritè inspexeras, vt candidam in aulis mentem (quem colorem chamæleontes hodierni non induunt) præsentares, sub natiuo Polo ad virentes SIGISMVNDI III. & VLADISLAI IV. manipulos messem tuam, & semina futuræ grandis molis obsequio adiunxisti; vt in natiuo Leszczyniorum campo, sub patrijs sideribus, ad mensuram Maiorum proficeres. Et quidem si omnis hodie maiorum gentium polita curia, productâ etiam ex seculorum spatijs suorum eximiorum memoriâ, Te in aulis aspiceret, gauderet id vnus dotibus potuisse colligi, quod vix multa vetustorum monumentorum reuolutione, in ideam excellentis Regum ministri conquiri potuisset. quandoquidem cum varietate liugarum, mores quoque nationum optimos ita composuisti, vt elegantius in Te consentirent, quàm in plerisque sparguntur. Istam nihilominus magnitudinem illis tu transcripsisti, qui ex alieni metalli basi satis magnificos se conspici existimant. Non satis tibi fuerat exterarum gentium decora in  
 Tuam



Tuam maiestatem digessisse, nisi in Serenissimorum Poloniae Regum palatijs excellentem Maiorum Tuorum uiam iteratâ virtute calcauisses. Habet enim diuina quædam vestra prærogatiua istud præcipuum, vt inter omnes augustæ maiestatis participes, soli non crescere in aulis; sed amplissimam magnitudinem in documentum natæ excellentiæ importare cognoscami-  
ni. Illud auitæ virtutis grande semen, ita vel primos vestros in Republica flores, cùm adhuc sub oculis Principum crescit, producit, vt statim felices & iam grandes in lucem venisse credamini. Ille grandium vester genius, quando adolescere incipit incremento meritorum, iam maturitatem aliorum, cultu & numero transgreditur. Sine gradibus propè est virtus vestra; nam primis statim passibus apices aliorum occupat, illuc enim profert fundamenta meriti, quo pleriq; mentem non eleuant.

Turbam Maiorum Tuorum in Augustissimorum Serenissimorumque Christiani mundi palatijs numerasti; ad quorum exemplaria maior fieres. Notum Poloniae Regiæ Philippi primi, Raphaëlis vestri magni, Dobeslai vetustissimi, cognominis Tui Venceslai sydus. suspexerat Germania & Bohemia Raphaëlem, Philippum, Vratislaum; Hungaria Raphaëlem admirata, Debeslaum etiam dotauit. quæ sydera ad Polonum cælum iteratò confluxere, vt constellationem gentilitiam haberes. Et nos dum inusitata virtutis, dexteritatis, efficaciae Tuæ aulicæ euenta admiramur, vixque humanis viribus ea geri posse, quæ gessisti, cogitamus; in occultam gentis qualitatem referimus. Horum omnium lumen subitò in Te illustrem meriti speciem accendit, vt ipse quoque Serenissimus VLADISLAVS IV. Te singulariùs ex natiuis dotibus per opera sese explicantibus cognosceret; atque Tua opera frequentius ad maiestatis negotia vteretur. Te virtutis illius Regiæ, quæ hodie omnibus circa se principibus aut terrori aut amori est, vsitatum sumpsit instrumentum, vt ad grandia effecta, quæ ingens illa mens mundum suum ante se habens, in Reipublicæ maiestatem deducenda apud se decreuerat, Tua virtus exquisitiùs inseruiret. Quo factum est, vt tribunalia iudicum, patrias legationes, maiestatem Serenissimi vicariam, frequentius adimpleres; & tot prope Reipublicæ negotiis efficaciam adderes, quot vel in Republica nasci, vel magnâ Principis mente potuerunt præuideri. Vnde cum singularis Regiæ mentis minister fieres, hausisti ex grandi illo animo non eam tantummodò virtutem, quâ aptè maiestatis vota impleres; sed nisi Te modestia Tua & religiosa quædam maiestatis veneratio retineret, etiam præuenires.



Cum rebus vniuersis orbis quidam & circulus insit, & more  
temporum vices suas cum Sole annuo restaurantium, mores  
quoque magnarum gentium in posteris reuertantur, aspexit Te  
gtata semper virtuti, & suspexit Serenissimorum Poloniae aula,  
Maiorum tuorum decora felici emulatione restaurantem, dum  
nobilitatem tuam antecessorum restauratis virtutibus testareris,  
& virtutum imaginibus exercitum prosapiae tuae apud men-  
tem contineres. Vsus es Illustrissimae gentis tuae meritis apud  
Serenissimas maiestates, tanquam Sole, ad quae conspectior tua  
virtus eluceret. Proinde & Rex Serenissimus, & Respublica  
nostra recipit iterum, Tuo instauratos merito illos grandis in au-  
la meriti, Philippos, Raphaëles, Dobeslaos, Vratislaos, Vence-  
slaos, omninò Leszczynios: & quia viuax virtus, neque cogno-  
minis vocabulum sine cura solet usurpare, eâ forte Venceslaus  
nuncuparis, vt sonum vocabuli veritate significes, & re-  
bus praclare gestis ita famam meriti aedifices, vt illa Maiorum  
merita efficaci excellentiâ triumphasse videaris. Fulget in-  
te singulariter ille gentis vestrae in Polonia princeps, Do-  
minus de Perstein Philippus, qui cum Christianos soles,  
per folia Polona primus accendisset, vobis quoque in regia  
Miecislai aula Phosphorus extitit, vt apud alios serenissimos il-  
los Boleslaos, Casimiros, Vladislaos, Alexandros, Sigismundos,  
Vladislaos, soles vestros promeretur, Aemulatus est insignem  
Macedonum Philippum, qui ita Macedonici ferri triumphali  
lumine Graecorum praestrinxit acies, vt in Graciam, Asiam, po-  
toremque orbis partem Alexandri Victoris radij auroram il-  
lam secuti, lumen suum triumphale promouerent. Occupa-  
uit & vester Philippus, Principum Polonorum Christianam au-  
lam, vt tritum quidem, post tot iam insignes gentis Tuae, ma-  
gnitudinis fundamentum reperires: illustrius nihilominus Tui  
meriti censu magnitudinem fabricares. Iecit ille profunda &  
altissimae moli sustentura fundamenta, dum ante tot saecula ma-  
ximus in aula serenissimorum fieret: at Tu altius apices dedu-  
cere incepisti, quàm spes quoque primis praesertim gradibus,  
promitteret. Seruasti omnem aulicae magnitudinis metho-  
dum, normâ maiorum descriptam, dum per triti fundamenti o-  
mnes gradus pergeres; sed tua virtute altius promouisti, dum  
ad Principum vsque fasces eleuares, atque ipso vocabulo hodie-  
ni magistratus, cum Princeps audis, quae Tua virtus, quaeue per  
grandia obsequia, inter pares officio, impares merito, magnitu-  
dinis via fuerit, enodares. Credunt eruditi, magna consentire  
nomina in fundamentis & apice suae magnitudinis, Magn<sup>o</sup> ille  
vester



vester Philippus, ita Gentis vestrae, & meriti magni princeps fuit; ut non minus merito, quam sanguine Primates Poloniae daret. Tu intermissum Principis vocabulum auspicato resumis, atque purpuram etiam apud Romanam sedem, quaesitam explicas; ut commodè intelligamus, fore ut fecunda virtus Tua, quae Te huic purpurae genuit, maiori aliquando progeneret. Ita cum per gentis lineam à Philippo descenderes, per rectissimam virtutis meritiq̃ue lineam, ad Principum gradum & spem adhuc ampliorem ascendisti: ut maximos gentis tuae, solus propè, potueris praesentare. Suffecisti magno sane Numine, ut ille vester Hercules, Achilles, Alexander, Caesar, ille inquam magnus Raphaël, qui etiam nomen propitijs satis ita acceperat, ut vos per omnem magnitudinem & Comitum praerogatiuam deduceret, ille centimanus virtute heros, tuae aulae compendio sit collectus: cum exemplum hoc domestici aulici, instar peritissimorum picturae acciperes, & nullum lineamentum, aut etiam umbram effulgentis excellentiae praeiterires, quam non in Tui meriti commendationem transumeres. Non de vano iste vester Raphaël, magnus ad eminentiam dux, genium Polonum in Romani Imperatoris Friderici aulis exercuit, arcana magnarum mentium administruit, omnia summa gessit munera: sed ut ipse magnus effectus, molis suae heredes maximos etiam post se numeraret; difficillimis illis simultatibus, quas sceptri appetitus, inter Fridericum Romanum, Casimirum Polonum, Mathiam Hungarum & Bohemum tunc concitauerat, parem tantae moli dexteritatem pacificator praebuit. Admirata tunc est vel hospitis magnitudinem Hungaria, in illo non satis praese, magnos cognoscente Mathia: cum ipso militari certamine praecipitato rege, etiam regibus se praestantiorum euicisset. Diligentior verò in virtute sibi benè cognita, etiam posterorum memoriae commendanda Principum cura, Germaniae quidem beneficio, Comitum à Leszno titulis & Leonis armati concolori animo effigie celebravit: Poloniam verò munificentiam, suum Ciuem lautis Magistratibus cumulante, duodecim territorijs, & Posnaniensi geminato, Castellani Generalisque subsellio, planè impleuit. Huius Tu excellentiam bonus virtutis heres æmulatus, non sub iisdem quidem nominibus, sed genuinam virtute adumbrasti. Pararis magnis fœderibus, Christianitati cum Christianissimis benè profuturis. Arcana verò magnae regum mentis, rerum gerendarum consilia, decreta legitima, tanquam in ærario apud te constituta; ut opibus consilij oracula ærariaque Delphica & Delica Polonus Apollo etiam in Polona.



Republica exhiberes: vt cū Virtus tua, vltra aulici meriti gradum porrecta, necessariò ad Principum subsellia promoueri debuerit; agrè te vel ingressus iste, vel alia maior Reipublicæ necessitas à serenissima maiestate auellere potuerit: Nimirum vt vastæ illæ Oceani aquæ orbis propè vniuersi baiulæ, licet per Orbem vniuersum occultis fontium vijs aquas dispensent, eas iteratò rebibunt; at verò sinuū magis sibi congeneres vndas ad latus habent: ita Serenissimus VLADISLAVS IV. necessitate quidem Reipublicæ virtutem tuam, satis aulicis muneribus probatam, debuit Prouinciarum solijs commendasse: quia tamen ad Reipublicæ administrandæ dexteritatem propiùs accesseras, non statim ab ista cura absolui poteras. Coluit Raphaëlem vestrum Germana aula, sed Polona recepit curia. Tu verò postquam ingens meritum in regiam Polonam attulisti, tanquam Patrimonium, hæere Serenissimis occupaisti: vt ipsa subsellia ita te extra aulam ponant; vt tamen peculiari serenissimæ maiestatis designatus obsequio, honorem quoque sacri Principis, grandi ministerio subijcias. Fluxit in purpuræ tuæ venustatem, aulicæq; dexteritatis vigorem, egregius sanguis Vratislai, nouissimi de Perszstin heredis, in aula Ferdinandi II. sūmi Administri: & pulchrè se equidem in te explicat, dum purpurat<sup>9</sup> ipse Princeps, maioribus purpurarum fœderibus, egregium sanguinem impendis. Iam verò Dobeslai Hungaricum, Venceslai cognominis tuū recens Polonicum exemplum, ita aulæ muneribus exegisti; vt istud etiam, egregio fatorum ingenio contigisse cogitemus, quòd gemini ipsis non absimiles nominibus, Magni ambo Senatores, Venceslaus Præslausque nasceremini: nimirum vt postquam Tu, etiam fratris proximi nomen in virtutis tuæ curam recepisti; Dobeslao Venceslaoque par imago, Venceslai vocabulo quasi tesserà vsus accedas, Seruans rem nominis sui Vester Dobeslaus in aula Regum. Hungarorum magnam famam, opesque luculentas egregio merito conquisiuerat: et cū difficillimum bellum inter Poloniam Patriam suam, Crucigerosque Prussienſes & Liouones exarsisset; imminebat grandis ex Bohemia vniuersaque Germaniâ Duce Henrico Liuoniensi Magistro. militum nubes, quæ vastitatem Poloniæ minabatur, si meditatū malum, tam facillè effudisset, quàm perniciosè conceperat. Terror iste cū passim famam sparsisset, commouit vestrum Dobeslaum, qui apud Hungaros Polonum pectus retinebat: elicuit Martium feruorem amor patriæ. Hostem ergo improuisus adoritur, fundit, triumphat: Poloniam securitati, se Poloniæ restituit. Vicinior virtuti tuæ fuit tempore ac merito Venceslaus. Ille non se-

mel



mel magnus Cancellarius, potissimam tibi aulicæ magnitudinis ideam videtur deduxisse: qui in regijs iudicijs auditor & relator, parem Dobeslao efficiendi vim, Venceslao effectorum gratiam, mēte capaci præsentaras. Hic postquā in sago reddiderat sæculis nostris Alexandros, Curia Tullios; Aulæ Theodosiani confortij genium per spatia quædam temporum interrupta egregiâ operâ restaurauit.

Quod exēplū si perpetuū fuisset, non satis ab æmulâ magnæ licet aulæ, virtute digereretur in vsū: sed cū diutiùs se ab aulâ Curiaq; remouisset; sensit prouidētissim<sup>o</sup> SIGISMUNDVS, quantū exempli suæ aulæ defuisset: atque idcirco Palatinatu quidē Calissienfi ad Curiam, Vicecancellarij, Cancellarij; munere reuocauit ad Aulam. Intellexerat & ille mentem Serenissimæ aulæ: & ideò non aulæ tantum, sed & regno grande magisterium restaurauit; cū in sublimi honore moderationem, in iudicijs æquitatem, in Consilij studio boni publici præferret: atque ita omnia transigeret; vt Regiæ maiestatis gratiam, Senatus approbationem, amorem omnium ordinum mereretur. Sed parum magnitudinis Venceslaus iste habuisset, nisi grande istud exordium, amplissimis meritis, Tibi Magne Præsul posuisset. Idcirco cū Regni tribunalia Relator Auditorque causarum occupasses; illa magni exempli principia, tanquam semen quoddam accepisti: vnde plenos meritorum manipulos meteres, & serenissimis manipulis per obsequia curasque solidas adiungeres. Tu lachrymas supplicum populorum, ita Patronus magis quàm diribitor deterfisti: vt non superficiem asperam mitigare, sed fontem malorum siccare videreris. Nactus es grande pectus, quod tanquam mare in omnium auxilium remediaque influeret. Aculei illi, quicunque miseriorum grauabant calamitatem, Tibi fuisse infixi videbantur: cū peritè eos euelleres, & ita melle tuo amaras oppressorum lachrymas condires; vt voluptas vna esset, in te iudicem incidisse, diuturnumq; Tui sensum grata domum pectora reportarent. Vtinam curiæ admirationem demonstrare possem, cū ad felicissimam eloquentiæ Tuæ vim attonita, miraculum magistratum dotibus adimplentis adoraret. Quippe facile difficillima expediebas, implexa aperiebas, complanabas controuersa: discordibus ingenijs inuoluta, ita percensebas; vt Apellis felicitate in tabulam deducta viderentur. Illud quoque litigantium metuebat fallacia, ne Tu referres: quia vel primū aperto ore, præcipitabas iniquitatem, erigebas innocentiam. Vnde minus videbatur, si sub Tullij, Demosthenis, Hortensij, Periclis vocabulo, tua excellentia nosceretur, Illi enim vmbra Tibi



quâdam, tot sæculis Te promittentē exhibebant: ex quorū omnium excellentiā vnus compositus, maximus debueras excreuisse. Vtinam gratæ posteritatis memoriam colligerem (quæ decretorum tuorum, ad omnem æquitatis libram examinatorum laudem longis est sæculis seruatura) & in tuam notitiam eam reducerem, vt de Tuo Tibi merito satis bonæ esset lætitiæ. Audires profectò, cognitor causarū sapientissimus æquè ac religiosissimus; prudens disquisitor, fortis Vindex, Iudex absolutus: iustus in vitâ, exemplum in victu, miraculū in iustitiæ methodo. Cerneretur liber à partium studio animus, ab auro non pallefcens, ab amicitiâ non languens, nullo affectu præceps, aut tardior: sed semper penes iustitiam excellens, & contra Hectoreæ militiæ fulgur potentius personarum studium, confidens. Illud vnicum elogium, quod penes tales fasces arduè tenetur, Tibi ore fero vniuersæ patriæ. Non iudicabâre, cū iudicares. Quia nihil erat, quod inuidorum etiam confidentia in dubiam partem reuocaret. Accepisti tanquam picturam Rempublicam: ac deformatas iniuriis vrbes, notatas morarum dedecore lites, infamatas expectatione afflictorum lachrymas, pulcherrimè ad pristinam formam ita deduxisti; vt eximia quædam Reipub. facies, Tuo etiam labore induci cerneretur. Et voluisset quidem perpetuum te iudicem afflictorum calamitas, in cuius manibus semper sua securitas proueniret: nisi pulchrius esset etiam clientibus tuis, illustriorem te conspici, qui perspicaciùs auxilia omnium perspexeras. Non es in eo aulæ gradu moratus, qui ad grande æstimatæ excellentiæ testimonium, etiam in vniuersâ vitam aliis sufficit: sed cū Tu magnæ tuæ menti citò in illa basi satisfecisses, virtus Te tua ab aulæ curis, ad Sacrat<sup>9</sup> Principum solium expediuit. Exegisti tamen tantum breuiore cursu, vt singuli Tui anni, non satis ad meritum Platonicos annos habuisse noscerentur: quia apud te decreueras, virtutis quàm annorum gradum esse meliorem. Ita sensum veræ gloriæ cepisti: vt non diuideres rerum gestarum assensum, in paucorum iudicium; sed & Serenissimi Regis, & Senatus, & liberæ Nobilitatis vota, pro tua excellentia experireris. Istam Tibi viam patefecisti ad gloriam, & meritum: quam & liberi populi virtus approbaret, & optimo cuiq; esset charissima. Correxisti Miltadis exemplum: quia rebus præclarè gestis remouisti inuidiam. quæsiuisti Serenissimæ Maiestatis beneuolentiam, vtriusque Curiæ amorem. Tuæ illud quoque fortunæ datum est: vt in illa gente emineres, quæ Virtutis magnitudinem, odiis non æstimat.

MAGNO



# MAGNO REFERENDARIO.

*Magna felicitatis communis pars est,*

*Si prius*

*Magna virtus apud se de dignitate quaestionem mouet,*

*Quam*

*Sublime solum merito respondeat*

*Vnde, inter Serenissima aula Numina,*

*Testimonium aestimata praestantia,*

*Diuturnioribus moris perfecisti;*

*Vt positum in apice meritum*

*Citius Principum lucem exciperet.*

*Si ad Aegyptium morem, illorum iudicum Nomina haberes,*

*Quorum in te similitudo vignerat;*

*Non plura sub toto Sole essent excellentium nomina,*

*Quam apud te cernebantur merita.*

*Quia*

*Multi mysterij artifex,*

*Vna poteras virtute absoluisse*

*Omnes iudices, Oratores, Magistratus.*

*Vsq; adeo factus es compendium excellentis historia.*

*Vano labori illi curam impendunt,*

*Qui memorabilia sibi exempla in omni curia excellentium*  
*transcribunt,*

*Si te prius in Curia tribunalibus aspexerunt.*

*Usus es Cerarum tuarum gladio*

*Ad Gordios liriū nodos dissoluendos;*

*Cum difficillimas causas*

*Ea expedires soliditate,*

*Vt*

*Portus esses expectata iustitia,*

*Scopulus intentae iniuria.*

*Diuersarum gentium Idioma*

*Ita tibi fluxit in sermonem,*

*Vt*

*Cum Serenissimus Rex te audiret,*

*Etiā nationum, ac saeculorum eloquentiam, tuis cloribus inservire*  
*lataretur:*

*Et cum te Maiestatibus probauisses,*

*Os populi meruisti;*

*Qui*

*Gaudebat virtutem tuam Principum splendore coronari,*

*E*

*Inui*



*Inuidebas tamen,  
Quòd te Oprimum  
Aliena sibi felicitas abstulisset:  
Atque ita  
Magnus effectus es.  
Quando ita Virtutem boni Magistratus extulisti;  
Vt nemo etiam summorum esset  
Qui te non suspiceret;  
Qui verò poterant, illi eminentiam  
Præmiis commendarent.*

## FASTIGIVM MAGNIFICÆ STRUCTVRÆ.



**S**i mihi Princeps Illustrissime ac Antistes Reuerendissime, post diuturnū sollicitæ cogitationis cursum, mea vincenda esset trepidatio; quā pluribus iam sæculis senatoria vestra lumina venerari Cineā timidiū aggreddior: cū in compendio tuæ excellentiæ, miraculo quodam, in vno vultu omnes vultus, gesta, sæcula collecta intuear; breui vocabulo vniuersæ laudis molem expedirem: me ab admiratione stuporem, à multitudine & magnitudine dicendorum silentium, concepisse confessus. Etsi enim animus in Tuas laudes inflammetur: cogitatio tamen non facile in tota rerum magnitudine verba reperit; quibus rerum tuarum gestarum numerum, methodum, gloriam maioribus simillimam circumscribat. Profectò si ille Romanæ pompæ ordo, vniuersi Senatorij sui exercitus vultus, magistratus, merita, in simulachris ad publicos fori intuitus proferens, morem adhuc obtineret, ab ea Tu necessitate gentem tuam absolueres, vbicunque præsens esses. Quia vt verè magnus fieres Senator, benè tuorum magnorum numerum & pondus inspexisti; & non felicius magnum sanguinem in hereditariam Senatus prærogatiuam accepisti, quàm rerum gestarum splendorem, in auctoramentum excellentis honoris digessim. Inspexisti omnium magnitudinem, vt peculiarem viam Senatorio decore emnendi comminisceris. Magnus noster DEVS bis senos Israël Illustrissimos, inter ornamenta supremi Antistitis computari voluit; atque rationale istud fuit, vt magnæ quoque Pro-

sapiæ



sapientiae splendor principalis, in splendoris maiestatem Sacrorum.  
Principi inferuiret, & fieret norma crescendi, ex lumine vulgari  
in sanctius. Religiosissimus Polonorum Principum Boleslaus  
Criuouitus, non satis se tutum ad excipiendas regio pectore  
Reipublicae curas crediderat, nisi ex auro advigilantibus proge-  
nitorum vultibus, feliciter pectus muniuisset ad robur, mentem  
& memoriam stimulasset ad virtutis curam. Auchetes bellico-  
sissimus ille Persarum Dux, parum de contritis Colchis trium-  
phasset; nisi candidae & triumphali togae, Iouis vultum, Regum,  
Principum, Ducum, vniuersique Senatus vultibus coronatum,  
cum Epigraphe, FER QVI TE FERVNT, induisset. quia iste  
splendor maximus & triumphus benemeriti sanguinis videba-  
tur, ex magna stirpe, magnum nasci: & maiorum gesta ac glori-  
am, in habitum ornamentumque mentis transtulisse. Fecit hoc  
Tibi vulgare Senatoria virtus Tua, quod plurimis insolens est. Vn-  
de cum duplici Principum Antistitumque Sole fulgentem in-  
gressum tuum veneramur, sacros tuos Ciuilesque Illustrissimos,  
in Tuae Maiestatis radijs exaggeratos adoramus iam nuper, cum  
procul quidem ab oculis nostris, at in ipso mentium nostra-  
rum intuitu, Antistitum sacram pompam indueres; cum illis,  
qui ad mentis tuae ornamenta penetrabant, non auri aut vnio-  
num pretium, sed Te pretiosissimum Vnionem aspeximus.  
Cernebatur pulchro distributa ordine, in habitu mentis Tuae  
omnis maiorum virtus: illa sacra Magnorum Antistitum pom-  
pa, illa Ciuilis meriti gloria, orbe carens & numero: ille splen-  
dor vetustissimus, nouis sese restaurans insignibus. vt miraremur  
potuisse Virtutis Tuae vim, ad praescriptum magni Exempli, in  
Principis Antistitisque dignitate, saeculorum meritum momen-  
to prope exhibere: & ita se ostendere, vt nihil in sacris ciuili-  
busque praemijs esset, quod non fundamentum apud te reperi-  
ret, nisi molem tuam via sanctitatis curare elegisses. Hinc  
quoque optimi regiminis tui futuri pollicitationem accepimus;  
cum in Magistratu tuo, duplicari fasces spectaremus: ex Apo-  
stoli enim decreto, penes bene praesidentes, duplex honor repe-  
ritur.

Sed patere, Magne Praeful, nos propius ad ipsa mentis Tuae  
adyta progredi, & magnitudines tuas de vicino admirari. Con-  
tingit iam isto saeculo, Diuinissimum Bertrandum, cum mentis  
cultum sanctitati permisisset, etiam ipsum corpus ita virtute  
poliuisse, vt purgatissimi instar speculi, simulachra inspectanti-  
um vultuum redderet. Tu Antistes Illustrissime, cum singu-  
larius ad principatus Tui excellentiam pertinere scires, vt specu-



lum esses optimorum: ita Virtutem Magni sanguinis temperasti, vt primo intuitu, Leszczyniæ trabes omnia simulachra, tanquam in speculo, in Te cerneremus.

Vidimus in singulari tuo erga Serenissimas Maiestates studio, reuerri Bronisij Calissiensium Palatini acrem illam erga Boleslaum Pudicum fidem, nihil eorum non attentantem, quicquid intra optimi Senatoris limites potuit contineri. Gaudebamus in hac sacrâ purpurâ, quæ diuturnâ tui expectatione suffragium pro optimo tulisse videbatur: cum à longiore Maiestatum consortio, celsiorem factum tuum animum Principis fascibus admoueret: gaudebamus inquam restaurari in Te, ( si ea aliquando rediret necessitas ) Prædislaum de Goluchow Calissiensium pariter Palatinum, & pro Ludouico absente Poloniarum proregem. Refulsit nobis singularibus flammis Raphaëlis Srenensis Castellani in patriam primi Exempli amor: cuius honoris sellas Brestenses donauit, maius meriti testimonium ponens in studio erga patriam, quàm in honoratæ Virtutis prærogatiuâ. Iste gentis vestræ Vnio ( in quo tum vno, Nomen, Virtus, meritum, hereditas omnis Leszczynia constiterat, vt tanquam à centro illustrius in posteros spargeretur ) in tuis vel maximè pendet ornamentis. Cum enim plurima subsellia Te sibi expecterent: diu pulsanti honori, publici boni necessitate inductus, victâ modestiâ aditum tardè fecisti, nihilominus cum Te tardius etiam in hanc sedem inferres, videbaris ex memoriâ gentilis Tui Raphaëlis, scrupulum cepisse, an aliter Reipublice non posses prodesse: sed vicit nostra felicitas, vt sincerioribus votis, illustrissima merces contingeres. Et licet, vt pretiosa sole, breuiter nobis lumen istud præsentares, aliarum nationum approbationi portaturus: satis tamen est præmii magnæ expectationi, Te vel semel aspexisse. Tu verus Raphaëlis Nepos magni Exempli viam sedulò premens, illam in Ioanne Basilide Moscho, homine fastuoso ac crudo ad fæderale legitima cogendo dexteritatem, cultiori fœdere exequeris. Quando quidem, eleganti pace rebus domi constitutis, Senatoria tua efficacia, Philippo qui Miecislai, Ioanni qui Vladislai Serenissimis tædis inseruierant, Te tertium adiungere destinauit: vt numerus iste perfectionis in gente tuâ, & Tuo quidem absolueretur obsequio. Hinc & Raphaëlis Bellsensis consultissima eloquentia, & Ioannis Cuiauiensis utilis peregrinatio, omnium omnino dexteritas, summâ in te concessit similitudine: vt nihil magnitudinis esset, quod non gauderem in Principe nostro adorari posse ab exteris.

Sed quia singulariùs ad filii radios illustrissimus Pater pertinebat



nebat; vidimus istum quoq; in Te splendorem, qui Te similitudine virtutis etiam filium testaretur: & taciti cogitauimus, pulcherrimum esse, si ista Principum Antistitumque sedes, non ostenderet tantum magnos, sed acciperet. Attulisti ex trabeis sagoque magni Parentis, magnæ Ciuilis dignitatis molem: quam potentia amplissimæ, & gloriæ potentissimæ capacem exhiberes; sanguinemque egregium in sacram excellentiam digeres. Cum enim satis in purpuram Filiorum, Magnus Vester Pater, in Polocensibus, Starodubensibus, Wielikolucensibus, Weliziensibus, Sokolensibus, Toropcensibus, Pskouiensibus, Orsanensibus, Smolenscensibus triumphis Moschouitici sanguinis fudisset: de Michaelē & Rasuan, Beglerbego comparatis laureis distinxisset: subsellio Palatinatus Brestensis ornauisset: facta est exactio & hereditas purpuræ, continuata filiorum virtus. Et quidem ciuilis trabeæ meritum Ioanni apud Gneznenses, Præslao apud Srenenses permisisti: ipse verò sanctiore ritu, veram purpuram Princeps induisti. Ducta est ita à trabeis locuples gloria, cum Principis appellationem moribus trabeæ meruisses. Gaudet hodie Varmiensis iste Tuus Principatus, se in vno Principe prope Rempublicam Magnorum accepisse: Te verò, tuis fascibus bonum Reipublicæ omen perfecisse. Quando ex Romanæ Historiæ memoriâ, illius fortunatissimi Romanorum Tricipitij ( vt temporis illius vtar vocabulo ) recordamur, quo tempore sub Cn. Pompeio, C. Cæsare, M. Crasso summâ concordia, res & Maiestas Romana crescebat; & Te cum duobus fratribus, ex Senatorijs subsellijs Rempublicam curare incipere, animaduertimus: ex hoc fra no Tricipitio, grandem prouenturam Reipublicæ felicitatem pollicemur. Habet iam nostra quoque Polonia Hermetes, Geriones, Herilos; cum Te, cum fratribus eiusdem animi, procures habet: ex quorum Tu Genio vnus es nobis Trismegistus.

Ita Tu Magnus gentilitij splendoris æmulus, Principis Maiestatem, vel in ipso Principatus proœmio commendasti; vt spes magna crescat vniuersis, molem virtutis tuæ, ab hoc fundamento, vltra quosuis aliorum apices perrecturam. Sed nondum satis menti tuæ fuerat, nisi curiosa illa dexteritas de alieni exempli magnitudine crescere nolens, etiam alteri Antistitis excellentiæ absolutissimam Ideam in maioribus suis reperisset. Præcessere, Bossuta Gnesnensis, Cuiavensis Rudigerus, Vernerus & Fridericus, Posnanienses duo Philippi, Plocensis Raphaël, vivum quoq; Camenecensis Andreæ exemplar: vt à tot excellentissimorum pulcherrimo merito absolutissimus Vnio, sin-



gulorum habens pretia; nobis aduenires. Idoneè quoq; numeri perfectionem, nonus ex gente Tua Antistes absoluit: vt si Pythagoras quoque, gentium hodie illustrissimarum prærogativam, ex perfecto sacrorum Virorum numero censeret, inuento hoc Vestro nouennario, Tibi palmam concederet; qui non sine grandis Virtutis testimonio, omnem numeri perfectionem compleueris. Tuis Illustrissimis Infulis inspectis, illud Gregorianum, intelligimus: optimum Antistitem sacrarium fieri Ecclesiæ. In Te enim, exquisito Sacerdotij vsu, tamquam in sacrarium, omnis Pontificum Virtus est importata; vt hodie inter meritõ tuorum splendores cerneretur, & nobis rediret memoria, Sanctiorum Polonæ Ecclesiæ Antistitem. Nemo est qui ambigat Diuinissimum Nazianzenum Sacrarium fuisse Byzantinæ Ecclesiæ; qui sanctiorem Pontificum sumptum sanguinem, virtute ac ingenio celebrauit: quid non Tibi istud vocabulum concedimus? qui cùm plures ex maioribus numeros Pontifices; tum & virtutis Pontificiæ dignitatem, ex sapientiæ virtutisq; merito ædificas. Adimeret sanè conspectibus nostris casus aliquis, aut necessitas, sanctiores imagines: adhuc Tua superstes virtus, quæ Te dignissimum huic subsellio intulit, viam nobis Pontificum similitudinem præsentaret. Cùm enim in ipso Sacerdotij tui exordio satis intellexisses, necessariò Tibi Pontificum solia aduentura; statim ex Aniceti decreto, gloriosam Te DEI imaginem, quæ Pontificem ante Infulas faceret, præstitisti. Inde vigilantia maximi gregis regimine dignissima, melita erga subiectos seueritas, æquitas beneuolentiæ temperata; cura circumspecta, prudens, & solida; auctoritas comitate commendata, vt radius quidam à DEI Maiestate deriuatus, in cequo quodam Numine, pectora humana rapere videbatur. Fugio cùm esset ardentissima; radios tamen suos fortissimos, inter modestiam explicabat. Sapientia, solertia, dexteritas, maximis quibusque subselliis (si ad meritum tuum campus virtuti proueniret) suffectura, ostendit priuatim, quid sit Magistratum sacrum in apti possessoris manus descendisse. Eo temperamento compositis Virtutibus, verum Ecclesiæ sacrarium, & corporis Reipub. tuæ sanctior anima, es effectus. Animatum est huius Ecclesiæ & Principatus corpus, nostro iam sæculo, ab Hosio, Cromero, Serenissimo Batorio, Tilicio, Rudnicio, Serenissimo Alberto, Szyfzkouio, cùm feliciter, tum & sanctissimè. Contigit Tibi quoq; ista cura: & nescio quantũ spei hodie animi nostri concipiunt, Fortunam illam, splendorem, religionem, cumulanda singulariùs, exspectantes: quando Te optimam ani-



nam ex temperamento omnium Pontificiarum virtutum equa-  
bilissimè constitutam accepimus.

Ille quoque numerus gentis Tuæ Antistitum, à Te ad per-  
fectionem deductus, & virtutis Tuæ vi in vnitatem collectus,  
dum Tuæ dignitatis magnitudinem exaggerat, nobis structu-  
ram honorum, meritorumque tuorum reputantibus, magnum  
Ecclesiæ huic pollicetur Maiestatis incrementum. Non cogi-  
tamus hic, illam vulgi iudicio excellentem magnitudinem, quæ  
à pluribus excitatis molibus, Nostro Casimiro, & Romano Xys-  
to, Magni appellationem contulit: cuius Tu quidem ge-  
nium à Gneznensi Bossutâ, Plocensi Raphaële satis idoneum  
deriuasti; illius tamen molis cura tibi facta est præcipua, quæ  
in terris cælos ædificat, & Diuini sceptri limites in vltiores  
promouet colonias.

Felicissima fata, diuturnæ expectationi nostræ, istud con-  
tulerunt præmium, quale quidem desiderare poteramus, expe-  
ctare non audebamus: vt isto potissimum tempore hæc sub-  
sellia inscenderes, quo sollicitior est Serenissimæ Regiæ Maiesta-  
tis cura, circa istas Acatholicas Prouincias, Orthodoxis ritibus re-  
stituendas. Ex cuius prosapia, cum primos gentis suæ pastores  
Poloni, Gneznæ in Bossuta accepissent: constantiusne an fe-  
licius Orthodoxos retineant ritus, non est facile definire. Re-  
dit hic pariter nobis memoria meritorum Rudigeri & Vneri  
germanorum, non sanguine tantum, sed honore, & ardore  
fratrum, Cuiaviensium, & Vniuersæ tum Christianæ  
Prussię Antistitum. Qui Boleslai primi Poloniarum Regis trium-  
phos, quos ille potenti gladio in Prussis corporibus effecerat,  
vigilantiâ, ardentissimo labore & planè Apostolico,  
in prædicatione protulere: & Poloni Principis nouam Prouinciâ,  
ardentiori studio, prædicatione, industriâ in Polarem perfece-  
runt; vt ostenderent, tantò superius esse regno Sacerdotium,  
quantò maius est debellare animos quàm corpora. Dabitur &  
Tuo Numini Magne Præsul, vt sæculare in Prussia per Lutheria-  
nos inductum Ecclesię dedecus, Tuâ felicissimâ dexteritate abo-  
leatur. Redibunt illi pulcherrimi flores in vniuersam Prussiam  
sub Vladislao, quos tui Maiores inseruere sub Boleslao. &  
quomodo non redeant? cum tu nihil à maiorum tuorum  
exemplo accipias, quod non exquisitius tuâ illustrissima virtue  
efficias. Numerabimus in Tuis gestis, pluribus sæculis cele-  
berrimos Antistites, & Te inter cæteros insignem venerabimur:  
neque nobis recurret desiderium, requirendi aliorum exempla,  
Maiestatem, vultum; postquam Tu nobis vel primo vultus tui



munere, ea omnia polliceris, quæ ab optimo possent expectari. Ostendisti, primâ istâ dignitatis Tuæ imagine, grandem in futuros annos nostram fortunam. Vnde nos eo spectaculo, & sperecreati, inter sincera vota, illud quoque Tibi apprecamur, vt ad mensuram animi tui crescas. Satis profuturæ magnitudinis, Principis purpurâ, Antistitumque Infulis polliceris. Habe ad votum Tuum Superos, vt quæ egregiæ spei ostentas, feliciter exequaris. Nostrum verò studium ita accipe, vt qui magna tua admirati quidem fuerimus, eloqui tamen non potuerimus.

## MAGNO PRÆSVLI.

*Serenior illa dies, qua deliberatis moris Solem infert,  
quàm qua precipitat.*

*Expectationi quoque illud fata disponunt præmium,  
Vt illa*

*Latiùs aspiciat, in quæ ventura, diuturniùs prospectant.*

*Tadia præteriti temporis, tunc expediuntur egregiè;  
Cum illi nobis adueniunt, qui bono usu tempora condierunt:*

*Et querelam atatum, animo  
Virtute informato, norunt depellere.*

*Aduenisti Magne Præsul.*

*Et vt nobis lati futuri temporis fidem faceres,  
In apparatu benemeriti Tui, tantum nobis Senatum*

*Æmulo splendore attulisti:*

*Quantum,*

*Nec Darius sub Zopyri Nomine desiderare,*

*Nec vna magna Respublica, capere potuisset.*

*Attulisti Veteris fortuna, magni meriti,*

*Antiquissimi splendoris imaginem:*

*Vt non ab Infulis tantum Antistes adorarè;*

*Sed sub tot Patria, per secula collectis vniionibus*

*Illustriſſimarum gentium Antistes noscerè.*

*Leszczynia Sanctitatis & dignitatis hereditas*

*Geminum Tibi, in quo, Principis Præsulisq; solum decreuit:*

*Quod vt Tibi, Ecclesiæq; firminus esset,*

*Gemis*



*Geminum fulcrum, attulisti in animo.*

*Civilis rei gerenda & iuris notitiam, ad Principum gladium:*

*Sacerdotij optimi meritum, Sapientiam, Vigilantiam,*

*Comitatem, religionem, ad Antistitem pedum.*

*Ita Hierosolymam quoque, Varmiacæ infers Ecclesias*

*Cum nobis Iachin & Booz,*

*In virtutis robore, & scientia firmitudine constituis.*

*Destinatam Serenissimis tadis dignitatem attulisti:*

*Ut lucem Te mundi sub Insulis factum,*

*Non nos tantum de radio meriti spectaremus,*

*Sed externus etiam Orbis*

*Potuisse approbare nosceretur.*

*Cum te Principatus tuus, amantissimis desiderijs exigeret;*

*Ad curas serenissimas detentus*

*Diem nobis expectatum differebas:*

*Ut quicquid deinde illustre ex subselliis Polonis ageretur,*

*Sub Tuo transactum lumine*

*Vel maximè cognosceretur;*

*Et potens esse Serenissimi Vladislai sceptrum,*

*In tua Venceslai dexteritate sentiretur.*

*Magnus Dei Sacerdos es.*

*Cum ex multis nationibus, & optimis exemplis*

*Collectos mores, ad Sacerdotium attuleris;*

*In calo collocatus, inter medias virtutes videris:*

*Cuius efficacia, Virtute condita,*

*Statim fasces magnos geminat,*

*Et summa negotia arripit.*

*Sic, plures esse in animo, quàm in corpore,*

*Et manus & capita; plura produnt merita & pramia.*

**G**

**FINIS.**







Biblioteka Jagiellońska



stdr0016689



